



FYLKESMANNEN
I ROGALAND

Deres ref.:

Vår dato: 26.03.2014

Vår ref.: 2014/3593

Arkivnr.: 433.0

Skogselskapet i Rogaland
pb. 59
4001 STAVANGER

Att. Erik Faye-Schjøll

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Løyve til å setja ut utanlandske treslag til skogproduksjon - sitkagran og hybridlerk, Auestad, gnr/bnr 29/5 Gjesdal

Me viser til søknad, mottatt 19.03.2014, der de søker om å planta utanlandske treslag til skogproduksjon på gnr/bnr 29/5 i Gjesdal kommune .

Heimel

Utsetjing av utanlandske treslag krev godkjenning frå fylkesmannen i samsvar med *forskrift om utsetting av utenlandske treslag til skogbruksformål (25.05.2012 nr. 460, jf. naturmangfaldlova kap. IV.*

Søknaden

Det er søkt om å planta ut:

1. 250 stk sitkagran på om lag 1 daa (sjå kartvedlegg)
2. 1000 stk hybridlerk på om lag 4 daa (sjå kartvedlegg)

Det aktuelle arealet er på eigedomen til søkar, Skogselskapet i Rogaland.

Fylkesmannen si vurdering

Formålet med forskrifta er å hindra at planting av utanlandske treslag gir uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran er vurdert av Artsdatabanken som ein art med svært stor risiko for naturleg spreiding med skadelege økologiske verknader for norsk natur (Norsk svarteliste 2012). Hybridlerk er same stad vurdert til å ha låg risiko. Felta som skal plantast til ligg søraust for eit kartlagt kystlyngheiområde med minste avstand 95 m. Det er i nærleiken ikkje verna område, eller kjende artar som kan bli uheldig påverka av tilplantinga. Plantefelta legg beslag på grasmark med skrint jorddekke, truleg historisk beitemark før 1920. Plantefeltet grensar opp mot etablert plantefelt for sitkagran og vanleg gran frå omlag 1925.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan me ikkje sjå at tiltaket direkte legg beslag på, eller vesentleg truar, stadeigne naturkvalitetar. Indirekte verknader er drøfta nedanfor.

§11 adresserer ansvaret for eventuelle skadar på naturmiljøet til tiltakshavaren. Kostnader ved å bøta på eventuelle skadar, eller ved å førebyggja skadar, skal dekkast av tiltakshavar, så langt dei er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gir dei beste samfunnsmessige resultata (§12).

De søker om å planta i eit område med mykje sitkagran, slik at plantinga utgjer ei lita endring av frøpresset på områda rundt. Ei god stund framover vil det aller meste av frøspreiinga stamma frå sitkagran etablert før godkjenningsordninga tredde i kraft i 2012. Søkar pliktar seg til å hindra spreining frå det tidspunktet sitkagrana planta før 2012 er avverka. Det er ikkje registrert andre spesielle naturverdiar enn nemnte kystlynghei som kan bli trua av tiltaket på, eller umiddelbart ved plantefeltet. Under føresetnad av at framtidig spreining av sitkagran blir overvaka og handtert som nemnt, kan me ikkje sjå at den omsøkte plantinga vil vera til vesentleg skade for naturmangfaldet.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gir med dette løyve til å setja ut til saman 250 sitkagran på til saman 1 daa, avmerka på kart vedlagt søknaden. Det er eit vilkår at spreining frå sitkagran etablert frå nye bestandar etter dette løyvet skal fjernast.

Fylkesmannen gir også løyve til å setja ut og 1000 hybridlerk på til saman 4 daa, avmerka på kart vedlagt søknaden.

Klage

De kan klaga på vedtaket innan 3 veker etter de har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Audun Steinnes
fung. ass. fylkesmiljøvernssjef


Torborg Berge
rådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Sakshandsamar: Torborg Berge
Sakshandsamar telefon: 51 56 89 39
E-post: fmrotbe@fylkesmannen.no

Kopi til:
Miljødirektoratet Postboks 5672 Sluppen 7485 TRONDHEIM
Gjesdal kommune Rettedalen 1 4330 Ålgård

Vedlegg:
Kart over areal med løyve sitkagran og hybridlerk, Auestad, 29/5 Gjesdal



**Løve til utsetjing av
sitkagran og hybridlerk
Auestad, Gjesdal, gnr. 29, bnr. 5**

-  Hybridlerk
-  Sitkagran
-  Eigedomsgrense

Ortofoto 2009 0,1 m oppløysing

1:1 500

0 15 30 60 Meters


Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, mars 2014